

928
E
1


姚少監詩集

姚集



詩

五



姚少監詩集

四部叢刊集部

上海涵芬樓景印
 明鈔本魚書葉心
 高營船尺五寸三
 分寬三寸七分

姚少監詩集目錄

秘書少監杭州刺史姚

第一卷

送別上五十首

送狄尚書鎮太原 送楊尚書祭西嶽

送李侍御過夏州 送李起居赴池州

送劉詹事赴壽州 送裴大夫赴亳州

送韋僅行軍 送劉禹錫赴蘇州首

送賈暮赴共城 送裴宰君

送顧非熊歸越 送雍陶遊蜀



送崔約歸揚州

送李侍御赴行營

送楊尚書赴東川

送邢郎中赴太原

送裴中丞赴華州

送徐負外赴河中

送殷侍御赴同州

送崔中丞赴鄭州

送丁端公赴河陰

送鄭尚書赴興元

送田使君赴蔡州

送無可上人遊邊

送僧

送宗慎言

送家兄赴任

送崔玄亮赴果州

送喻校書歸毗陵

送董正字歸常州

送蕭正字往蔡州

送田卓入華山

送薛右司赴虔州

送王建往渭南

送殷侍御遊山南

送李植侍御

送王澹

送崔之仁

送孫山人

送費驤

送楊少府

送文著上人遊越

送無可上人遊越

送洛陽張負外

送田中丞入西蕃

送王龜

送崔郎中赴常州

送林使君赴邵州

送別友人

第二卷

送別下四十三首

送張宗原

送王求

送朱餘慶及第歸

送朱慶餘歸觀

送任尊師歸蜀

送友人遊蜀

送杜立歸蜀

送韓湘赴江西從事

送潘傅歸宣州

送僧默然

送陟遐上人

送盛秀才赴舉

送僧真實歸杭州

送盧二弟

送任畹及第歸

送杜觀

送狄兼譽歸故山

送源中丞赴新羅

送陳侗

送張郎中

送陸侍御歸揚州

送韋校書赴越

送雍陶及第歸觀

送李秀才赴舉

送潘傅秀才

送元緒上人

送僧栖真歸杭州

送敬法師

送清敬閣梨

送賈島及鍾渾

送僧遊邊

送澄江上人

送馬戴

送薛郎中赴婺州

送獨孤煥赴豐州

送張齊物

送王嗣之典儀城

別賈島

別李餘

別胡逸

惜別

欲別

別杭州

送王玄伯

第三卷

寄贈上四十七首

寄賈島

寄王度居士

寄楊茂卿校書

寄杜師義

寄李景先

寄酬盧侍御

寄主客張郎中

寄李廓少府

寄紫閣隱者

寄楊巨源祭酒

寄殷堯藩

寄兩省閣老

寄靈一律師

寄默然上人

寄張僊

寄李頻

寄李群玉

病中書事寄友人

九日寄錢可復

寄劉起居

秋日寄李支使

寄令狐楚相公

寄東都白賓客

寄裴起居

寄狄拾遺

寄山中舊友

寄無名頭陀

寄郁上人

寄孫路秀才

寄安陸友人

寄馬戴

寄賈司倉

寄揚工部

寄陝州王司馬

寄賈島

寄崔之仁山人

寄嵩嶽程光範

洛下夜會寄賈島

寄華州李中丞

寄朱諫議

寄杭州崔員外

寄元緒上人

寄白閣默然

寄丘元處士

寄崔道士

寄華州崔中丞

寄祕書竇少監

第四卷

寄贈下四十四首

寄送盧拱祕書

寄院中諸曹長

書懷寄友人

寄無可上人

寄暉上人

寄李干

寄賈島浪仙

寄九華費拾遺

寄不疑上人

寄主客劉郎中

寄周十七起居

秋夜寄默然上人

寄王玄伯

寄山中友人

寄內兄郭端公

寄蔣亭兼簡田使君

山居寄友生

寄崔之仁山人

寄華州李中丞

寄朱諫議

寄杭州崔員外

寄元緒上人

寄白閣默然

寄丘元處士

寄崔道士

寄華州崔中丞

寄祕書竇少監

第四卷

寄贈下四十四首

寄送盧拱祕書

寄院中諸曹長

書懷寄友人

寄無可上人

寄暉上人

寄李干

寄賈島浪仙

寄九華費拾遺

寄不疑上人

寄主客劉郎中

寄周十七起居

秋夜寄默然上人

寄王玄伯

寄山中友人

寄內兄郭端公

寄蔣亭蕪簡田使君

山居寄友生

寄崔之仁山人

寄主客劉負外

山中寄友人

西園夜宿寄友人

卧疾寄李餘

寄白石師

寄賈島

寄默然上人

寄不出院僧

寄皇甫旬

寄舊山隱者

寄李廓

贈盧大夫將軍

贈供奉僧次融

贈王尊師

贈常州院僧

贈盧沙彌小師

贈張籍太祝

贈丘郎中

贈王建司馬

贈任士曹

贈劉义

贈僧紹明

贈張質山人

贈少室山麻襦僧

贈玉山人

贈終南山傳山人

第五卷

閑適五十一首

閑居遣懷十首

武功縣中三十首

罷武功縣二首

秋日閑居二首

晚夏閑居

閑居

街西居三首

閑居遣興

閑居

第六卷

閑適時序風月六十二首

莊居即事

親仁里居

莊居野行

春日閑居

獨居

早春閑居

原上新居

將歸山

山中述懷

偶然書懷

客舍有懷

及第後夜中書事

偶題

感時

憶山

客遊旅懷

迎春

遊春十二首

賞春

春日即事

春日江次

揚州春詞三首

寒食書事二首

暮春書事

別春

夏夜

春晚雨中

送春

秋日有懷

秋夕遣懷

秋中夜坐

同崔卿九月六日飲

九日憶硯山舊居

秋晚江次

除夜二首

晦日送窮三首

詠雲

詠雪

郡中對雪

對月

八月十五夜看月

賦月華臨靜夜

酬任疇雨中見寄

和座主相公雨中作

惡神行雨

第七卷

題詠四十九首

題鳳翔西郭新亭

題金州西園九首

江榭 葉堂 草閣 松壇 蔓徑
垣竹 石庭 葦苔 芭蕉屏

杏溪十首

杏溪 蓮塘 架水 藤 石潭 溪路
望江峯 香水 渚上竹 楓林堰 石瀨

陝下厲玄侍御宅五題

濯纓溪 垂釣亭 吟詩島
竹裏徑 沈觴泉

題僧院引泉

題家園新池

誄盆池

買太湖石

天竺寺殿前立石

杭州觀潮

題李頻新居

寄題縱上人院

題山寺

題真女祠

題馬負外新居

題郭侍郎幽居

題宣義池亭

題薛十二池亭

題崔駙馬林亭

題杭州南亭

題鄭駙馬林亭

題厲玄侍御所居

題田將軍宅

題崔駙馬宅

題河上亭

題長安薛負外水閣

題梁園公主池亭

寄題尉遲少卿郊居

第八卷

遊覽宴集五十首

過張邯鄲莊

過楊處士幽居

過李處士山居

過無可僧院

過稠上人院

過不疑上人院

過雲花寶上人院

過梁揆莊

過杜氏江亭

過張雲舉院宿

過欽上人院

過無可上人院

過城南僧院

過靈泉寺

過天津橋晴望

春日遊慈恩寺

遊天台上方

遊終南山

遊杏溪蘭若

遊謝公亭

遊陽河岸

遊河橋晚望

秋夜月中登天壇

遊昊天玄都觀

放朝同遊曲江

曉望華清宮

夏日登樓晚望

霽後登樓

早夏郡樓宴集

夜宴太僕田卿宅

春日會崔少卿宅

軍城夜會

晦日燕劉錄事宅

宴光祿田卿宅

會將作崔監東園

同會太府韓卿宅

乞酒

寄衛拾遺乞酒

乞新茶

西掖寓直春曉聞殘漏

杭州郡齋南亭

郡中西園

杭州官舍偶書

省直書事

杭州官舍即事

假日書事

呈院中司徒

書縣丞舊廳

縣中秋宿

夏夜宿江驛

陝城即事

第九卷

和荅酬謝五十七首

和令狐留守相公

和高諫議入翰苑

和盧給事

酬裴負外

和裴端公早朝

和李相

錢西蜀相公

和座主相公

秋日即事

和崔少監遊僧院

和李紳不赴看花

和李舍人冬至日

和裴令公

新成綠野堂即事

和題李相草堂

和鄭相唱和詩

和戶部侍郎省中

和元八郎中秋居

和酬白少傅見寄

和劉禹錫拜表懷都故人

和酬殷侍御見寄

和李膳部秋夕

和韓侍御夜泛溪

和題李中丞廳

和厲玄無可會宿見寄

和令狐負外直夜即事

和孟侍御早朝見寄

和友人新居園上

和裴令公遊南莊

和李舍人言懷

和李舍人對雪

答李頻秀才

答胡遇

答友人招遊

答竇知言

酬田就

酬李負外見寄

酬令狐郎中見寄

酬李廓望月見寄

酬田卿末伏見寄

酬薛奉常見贈什之

酬盧汀諫議

酬張郎中見寄

酬田卿六韻見寄

酬楊尚書喜移居

酬田卿即事見寄

酬張籍司業見寄

謝田大夫寄葦蘊

謝李太尉牧杭州

杏園宴上謝座主

謝韜光上人

謝秦校書無可上人見訪

喜胡遇至

喜賈島至

喜喻鳧至

喜雍陶秋夜訪宿

喜賈島雨中訪宿

喜馬戴見過

同前

訪僧法通不遇

夜期友生不至

尋僧不遇

第十卷

花木鳥獸器用哀挽雜詠五十七首

和李補闕看蓮花

和王郎中召看牡丹

詠南池嘉蓮

題葡萄架闕

種葦

採松花

詠新菊

楊柳枝詞五首

郡中冬夜聞蛩

聞新蟬寄李餘

聞蟬寄賈島

題鶴雛

詠鶯

老馬

詠鏡

詠破屏風

古碑

拾得古硯

裴大夫見過

謝贈百齡藤杖

詠貴遊

窮邊詞二首

劍器詞三首

從軍樂二首

敬宗皇帝挽詞首三

文宗皇帝挽詞首三

莊恪太子挽詞首二

哭費拾遺徵君

哭硯山孫道士

哭賈島二首

和楊給事哭愛姬

喜覽盧侍御詩卷

喜覽裴中丞詩卷

心懷霜

聽僧雲端講經

臘日獵

聞魏州賊破

下第

得舍弟書

病僧

成名後留別從兄

佛舍見胡子有朝

歸弊居寄李太尉

姚少監詩集目錄終

姚少監詩集卷第一

送別上五十首

送狄尚書鎮太原

授鉞儒生貴傾朝赴餞進麾幢官在省禮樂將
臨邊代馬龍相雜汾河海暗連遠戎移帳幕高
鳥避旌旃天下屯兵處皇威破虜年防秋嫌壘
近入塞必身先中外息重疊科名歲接連散材
無所用老向瑣闥眠

送楊尚書祭西嶽

報功嚴祀典寵詔下明庭酒氣飄林嶺香煙入



東坡書
氏圖書

杳冥樂清三奏備詞直百神聽衣拂雲霞濕詩
通水石靈何因逐騎暫得到巖高

送李侍御過夏州

酬恩不顧名走馬覺身輕迢遞河邊路蒼茫塞
上城砂寒無宿鴈虜近少閑兵飲罷揮鞭去旁
人意氣生

送李起居赴池州

天子念疲民分憂輟侍臣紅旗高起焰綠野靜
無塵闕下親知別江南惠化新朝昏即千里且
願話逡巡

送劉詹事赴壽州

慤慤莫遽起四坐悉同袍世上詩難得林中酒
更高階隄傍揚柳楚驛在波濤別後書頻寄無
辭費筆毫

送裴大夫赴亳州

枕人遮道路垂泣浙江前譙國迎舟艦行歌汴
水邊周旋君量遠交代我才偏寒日嚴旌戟晴
風出管絃一盃誠淡薄四坐願留連異政承殊
澤應為天下先

送徐州韋僅行軍

餞幕儼征軒行軍歸大藩山程度幽谷水驛到
夷門曉日詩情遠春風酒色渾逡巡何足貴所
貴盡殘罇

送劉禹錫郎中赴蘇州

二首
七言

三十年來天下名
衛息東守闔閭城
初經咸谷
眠山驛漸入梁園
問水程霽日滿江
寒浪靜春風
逸郭白蘋生
虎丘野寺吳中少
誰伴吟詩月
裏行

又

州城全曼故吳宮
香徑難尋古蘚中
雲水計程

千里遠軒車送別
九衢空鶴聲高下
聽無盡潮
色朝昏望不同
太守吟詩人自理
小齋閑卧白
蘋風

送賈暮赴共城營田

上國羞長一作平選戎裝
貴所從山田依法種
兵食及時供水氣
詩書軟嵐烟筆硯
濃幾時無事
擾相見得從容

送裴宰君

見說為官處烟霞思不窮
夜猿啼戶外瀑水落
厨中名藥人難識
仙山路易通
還應施靜化誰

復與君同

送顧非熊下第歸越

失意尋歸路親知不復過
家山去城遠日月在船多
楚塞數逢鴈浙江長有波
秋風別鄉去還聽鹿鳴歌

送雍陶遊蜀

春色三千里愁人意未開
木梢穿棧出雨勢隔江來
荒館曰花宿深山羨客迴
相如何物在應只有琴臺

勢一作氣

送崔約下第歸揚州

滿座詩人吟送酒離城此會亦應稀
春風下第時稱屈秋卷呈親自束歸
日晚山花當馬落天陰水鳥傍船飛
江邊道路多苔蘚塵土無由得上衣

送李廓侍御赴西川行營

不道弓箭字罷官唯醉眠何人薦
籌策走馬逐旌旃陣變孤虛外
功成語笑前從今雋州路無復有烽煙

送楊尚書赴東川

却穀詩書將銜息赴梓州
遶身垂印綬護馬執

戈矛劔閣和銘峭巴江帶宇流從來皆惜別此
別復何愁

送邢郎中赴太原

上將得良策恩威作長城如今并州北不見有
胡兵晉野雨初足汾河波亦清所從古無比意
氣送君行

送裴中丞赴華州

我夢何曾應看君渡滻川自無仙掌分非是聖
心偏去年曾夢除華州刺史故此叙述而已徑草多生藥庭花半
落泉人間有此郡況在鳳城邊

送徐負外赴河中從事

赤府從軍羨儒衣結束輕涼颯下山寺曉浪滿
關城閑坐饒詩景高眠長道情將軍不戰術計
日立功名

送殷堯藩侍御赴同州

吟詩擲酒船仙掌白樓前後事關中貴主人天
下賢此生無了日終歲踏離筵何計因歸去深
山恣意眠

送崔中丞赴鄭州

僕射破前郡清高越四鄰丹青鳳詔下太守虎

符新霧濕闌城月花香驛路塵連枝相庭樹歲
歲一家春

送丁端公赴河陰

炎天木葉焦曉夕絕涼颯念子獨歸縣何人不
在朝市連風浪動帆徹海門遙飲盡罇中酒同
年同寂寥

送鄭尚書赴興元

儒有登壇貴何人得此功紅旗燒密雪白馬踏
長風斧鉞來天上詩書理漢中方知百勝略應
不在彎弓

送田使君赴蔡州

長年離別情百盞酒須傾詩外應無思人間半
是行路遙嘶白馬林斷出紅旌功業今應立淮
西有勁兵

送無可上人遊邊

一鉢與三衣經行遠近隨出家還養母持律復
能詩春雪離京厚晨鍾近塞遲亦知蓮府客夜
坐喜同師

送僧

人間擾擾唯閑事自見高人只有詩寂寞高峯

雲外寺常多夢裏過齋時

送宋慎言

童稚便知聞如今祇有君百篇詩盡和一盞酒
須分驛路多連水州城半在雲離情同落葉向
晚更紛紛

送家兄赴任昭義

早得白眉名之官濠上城別離浮世事迢遞長
年情廣陌垂花影遙林起雨聲出閨春草長過
汴夏雲生黠吏先潛去疲人相次迎宴餘和酒
拜菟裘共東行

送崔玄亮赴果州冬夜宴韓卿宅

蘭燭照重茵飛盃復幾分主人寒不寢上客曉
離羣騎吏綠青壁旌旗度白雲劍銘生薛色巴
字疊冰文華省思仙侶疲民愛使君泠泠唯自
適郡邸有誰聞

送喻臯校書歸毗陵

主人庭葉黑詩藁更誰書闕下科名出鄉中賦
藉除山春煙樹衆江遠晚帆疎吾亦家吳者無
因到弊廬

送董正字武歸常州覲親

路歧知不盡，離別自無窮。行客心方切，主人罇未空。楚檣收月下，江樹在潮中。人各還家去，還家慶不同。

送蕭正字往蔡州賀裴相淮西平

相府旌旄重，還邀上客行。今朝郭門路，初徹蔡州城。從馬唯遺一作提酒，防身不要兵。從來皆作使君去，是時平。

送進士田卓入華山

何物隨身去，六經與一琴。辭家計已久，入谷住應深。一作佳谷 偶坐僧同石，閑書葉滿林。業成

須謁帝，無貯白雲心。

送右司薛員外赴虔州

懷中天子書，腰下使君魚。瀑布和雲落，仙都與世疎。遠程兼水陸，半歲在舟車。相送難相別，南風入夏初。

送王建祕書往渭南莊

白鬚芸閣吏，羸馬月中行。莊僻難尋路，官閑易出城。看山多失節，過寺故題名。秋日田家作，唯添集卷成。

送殷堯藩侍御遊山南

詩境西南好秋深晝夜蛩人家連水影驛路在
山峯谷靜雲生石天寒雪覆松我為公府繫不
得此相從

送李植侍御

聖代無邪觸空林獬豸歸誰知隴山鳥長繞玉
樓飛風雨依山急雲泉入郭微無同昔年別別
後寄書稀

送王澹

常省為官處門前數樹松尋山屐費齒書石筆
無鋒果熟猿偷亂花繁鳥語重今來為客去惜

一作借取最高峯

送崔之仁

一作別劉德仁

欲出還成住前程甚謫遷佯眠隨客醉愁坐似
僧禪舊國歸何處春山買欠錢幾時無一事長
在故人邊

送孫山人

山翁來帝里不肯住多時一作山人言語塵土
衣裳重腥羶僕隸飢林中愁不到城外老應遲
喧寂一為別相逢未有期

送費驥

詩境西南
山峯谷壑
得此相從

送

聖代無邪
樓飛風雨
後寄書

送

常省爲官
無鋒果歟

一作借取最

送

欲出還成
僧禪舊國
在故人邊

送

山翁來坐
衣裳重腥
喧寂一爲

送

兄寒弟亦饑力學少閑時何路免為客無門賣
得詩幾人携酒送獨我入山遲少小同居止今
朝始別離

送河中楊少府宴崔駙馬宅

鳳凰樓下醉醺醺晚出東門蟬漸聞不使鄉人
修治一作驛路却將家累宿一作山雲閑時採藥
隨僧去每月請錢共客分縣吏若非三載滿自
知無計更尋君

送文著上人遊越

水石隨緣豈計程東吳相遇別西京夜禪月下

袈裟濕曉上山巔錫杖鳴念我為官應易老羨
師依佛學無生越中多有前朝寺處處鐵鐘石
磬聲

送無可上人遊越

清晨相訪立門前麻履方袍一少年嬾讀經文
求作佛願攻詩句覓昇一作成仙芳春山影花連
寺觸夜潮聲月滿船今日送行偏惜別共師文
字有因緣

送洛陽張負外

餞客未歸城東來騶騎迎千山嵩岳峭百縣洛

陽清朔鴈和雲度川風吹雨一作雪晴薛庭公事
暇一作以應祗獨吟行

送少府田中丞入西蕃

蕭關路絕久石堠亦為塵護塞空兵帳和戎在
使臣風沙去國遠雨雪換衣頻若問涼州事涼
州多漢人

送王龜處士

送客客為誰朱門處士稀唯修曾子行不着老
萊衣古寺隨僧飭空林共鳥歸壺中駐年藥燒
得獻庭闈

送崔郎中赴常州

貴是鶴原在紫微榮逢知己領黃扉人間盛事
今全得江上政聲復欲歸風起滿城山果落雨
餘穿宅水禽飛昔年嘗作毗陵客石峭泉清天
下稀

送林使君赴邵州

詔書飛下五雲間才子分符不等閑驛路算程
多是水州圖管地少於山江頭斑竹尋應遍洞
裏丹砂自採還清淨化人人自理終朝無事更
相關

送別友人

獨向山中覓紫芝山人勾引住多時
摘花浸酒春愁盡燒竹煎茶夜臥遲
泉落林梢多碎滴松生石底足旁枝
明朝却欲歸城市問我來時總不知

姚少監詩集卷第一

姚少監詩集卷第二

送別下四十三首

送張宗原

東門送客道春色如死灰一客失意行十客顏
色低住者既無家去者又非歸窮愁一成疾百
藥不可能治子賢我且愚命分不合齊誰開
蹇躓門日日同遊栖子行何所之切切食與衣
誰能買仁義令子無寒饑野田不生草四向生
路歧士人甚商賈終日須東西鴻鴈春北去秋
風復南飛勉君向前路無失相見期

送王求

士有經世籌自無活身策求食道路間勞困甚
徒役我身與子同日被饑寒迫側望卿相門難
入堅如石爲農昧耕耘作商迷貿易空把書卷
行投人一作買罪責六月南風多苦旱土色赤
坐家心尚焦况乃遠作客羸馬出郭門餓飲晚
連夕願君似醉腸莫謾生憂感

送朱慶餘及第後歸越

勸君緩上車鄉里有吾廬未得同歸去空令相
見踈山晴棲鶴起天曉落潮初此慶將誰比獻

親冬集書

送朱慶餘越州歸覲

鄉書落姓名太守拜親榮訪我波濤郡還家霧
雨城海山窗外近鏡水世間清何計隨君去隣
牆過此生

送任尊師歸蜀覲親

白雲修道者歸去春風前玉簡通仙籍金丹駐
母年錦文江一色酒氣雨相連衆說君平死真
師易義全

送友人遊蜀

送君一壺酒相別野庭邊馬上過秋色舟中到
錦川峽猿啼夜雨蜀鳥噪晨煙莫便不迴首風
光促幾年

送杜立歸蜀

迢迢三千里西南是去程杜陵家已盡蜀國客
重行雲照巴江色風吹棹閣聲馬嘶山梢煖人
語店初明旅夢心多感孤吟氣一作意不平誰為
李白後為訪錦官城

送韓湘赴江西從事

年少登科客從軍詔命新行裝有兵器祖席盡

詩人細雨湘城暮微風楚水春潯陽應足鴈夢
澤豈無塵猿叫來山頂潮痕在樹身從容多暇
日佳句寄須頻

送潘傳秀才歸宣州

李白墳三尺嵯峨萬古名因君還故里為我吊
先生晴日移虹影空山出鶴聲老郎閑未得無
計此中行

送僧默然

出家侍母前至孝自通禪伏日江頭別秋風檣
下眠鳥聲猿更促石色樹相連此路多如此師

行亦有緣

送陟遐

一作霞

上人遊天台

萬疊赤城路終年遊客稀
朝來送師去自覺有家非
石淨山光遠雲深海色微
此詩成亦鄙為我寫巖扉

送盛秀才赴舉

重重吳越浙江潮
刺史何門始得消
五字州人唯有此
四隣風景合相饒
橘村籬落香潛度
竹寺虛空翠自飄
君去九衢須說我
病成踈懶懶趨朝

送僧真實歸杭州天竺

石橋寺裏最清涼
聞說茆庵寄上方
林外猿聲連院磬
月中潮色到禪牀
他生念我身何在此
世唯師性亦忘
九陌相逢千里別
青山重疊樹蒼蒼

送盧二弟茂才罷舉遊洛謁新相

踏碎作賦筆驅車出上京
離筵俯岐路四坐半公卿
守命貧難擲憂身夢數驚
今朝赴知已休誅苦辛行

送任畹及第歸蜀中覲親

子規啼欲死君聽固一作故無愁闕下聲名出鄉
中意氣遊東川橫劍閭南斗近刀州神聖題前
字千人看不休

送杜觀罷舉東遊

秋風離九陌心事豈云安曾是求名苦當知此
去難辛勤程自遠寂寞夜多寒詩句無人識應
須把劍看

送狄兼譽下第歸故山

慈恩塔上名昨日敗垂成賃舍應無直居山豈
釣聲半年猶小隱數日得閑行映竹窺櫻劇尋

雲探鶴情愛花高酒戶煖藥污茶鐺莫便多時
住煙霄路在城

送源中丞赴新羅

赤墀賜對使殊方官重霜臺紫綬光玉節在船
清海怪金函開詔拜夷王雲晴漸覺山川異風
便那寧一作寧知道路長誰得似君將雨露海東萬
里灑扶桑

送陳侗一作稠赴江陵從事

荊州勝事衆皆聞幕下今朝又得君子何須
藉一作中科第男兒終久要功勳江村竹樹多於

草山路塵埃半是雲
新什定知饒景思不應
一
向賦從軍

送張郎中副使赴澤路

曉陌事戎裝
風沉粉署即機籌一作通變化除
拜出尋常地
冷饒霜氣山高礙
鴈行應無離別
恨車馬自生先

送陸暢侍御歸楊州

故園偏接近
雲水洞庭邊
歸去知何日
相逢各
長年山川南北路
風雲別離天
楚色窮冬燒淮
聲獨夜船從軍丞相府
談笑酒杯前

送韋瑤校書赴越

寄家臨禹穴
乘傳出秦關
霜落橘滿地
潮來帆
近山相門賓
益貴水國事
多閑晨省高堂後
餘
歡盃酒間

送雍陶及第歸觀

獻親冬集書
比橘復何如此去
關山遠相思笑
語踈路尋丹一作青
壑斷人近白雲
居幽石題名
處憑君亦紀一作余

送李秀才赴舉

羅刹樓頭醉
送君西入京
秦吳無限地
山水半

分程海上煙霞濕關中日月明
登科舊鄉里當為改嘉名

送李傅秀才歸宣州

謝守青山宅山孤宅亦平
池塘無復見春草野中生
常日登樓望今朝送客行
慙慙拂石壁為我一書名

送元緒上人遊商山

萬法空門裏師脩歷幾生
過來心已悟未到行彌精
溪窳鐘還度林昏錫獨鳴
朝簪抽未得此別豈忘情

送僧栖真歸杭州天竺寺

吏事日紛然無因到佛前
勞師相借問知我亦通禪
古寺杉松出殘陽鐘磬連
草庵盤石上歸此是因緣

送欽法師歸福州

結得隨緣伴蟬鳴方出關
新經譯舊寺故國與誰還
齋為無鐘早心因罷講
閑東南數千里何處不逢山

送清欽閣梨歸浙西

大地無生理吳中豈是歸
自翻貝葉偈人施福

田衣夏盡灘聲出潮來日色微郡齋師去後寂
冥夜吟稀

送賈島及鍾渾

日日攻詩亦自彊年年供應在名場春風驛路
歸何處紫閣山邊是草堂

送僧遊邊

師向邊頭去邊人業障輕腥羶齋自潔部落講
還成傳教多離寺隨緣不計程三千世界內何
處是無生

送澄江上人赴興元鄭尚書招

師經非紙上師佛在心中覺路何曾異行人自
不同水雲晴亦一作忽雨山木一作舍夜多風聞結
西方社尚書待遠公

送馬戴下第客遊

昨來送君處亦是九衢中此日慙慙別前特寂
寞同鳥啼寒食雨花落暮春風向晚離人起進
收罇未空

送薛二十三郎中赴婺州

我住浙江西君去浙江東日日心來往不畏浙
江風

送獨孤煥評事赴豐州

東門携酒送廷評，結束從軍塞上行。
深磧路移唯馬覺，斷蓬風起與鵬平。
煙生遠戍侵雲色，冰疊黃河長雪聲。
須鑿燕然山上石，登科記裏是閑名。

送張齊物主簿赴內鄉

幾年山下事仙翁，名在長生錄籍中。
燒得藥成須寄我，曾為主簿與君同。

送王嗣之典儀城

日日思朝位，偷閑城外行。
唯求採藥者，一作不

道在官名一作行，好異嫌山淺。
尋幽喜延生，病來文字拙。
不要把歸城。

別賈島

懶作住山人，貧家日賃身。
書多筆漸重，睡少枕長新。
野客狂無過，詩仙瘦始真。
秋風千里去，誰與我相親。
一作官家月賃身

別李餘

病童隨瘦馬，難算往來程。
野寺僧相送，河橋酒滯行。
足愁無道性，久客會人情。
何計羈窮盡，同居不出城。

別胡逸

記得春闈同席試，逡巡何啻十年餘。今日相逢
又相送，予乘五馬子單車。

惜別

酒闌歌罷更遲留，携手思量凭翠樓。桃李華容
猶歎月風流，才器亦悲秋。光陰不覺朝昏過，歧
路無窮早晚休。似把剪刀裁別恨，兩人分得一
般愁。

欲別

山川重疊遠茫茫，欲別先憂別恨長。紅芍藥花

雖共醉

影又分將鴛鴦有路高低去鴻

鴈南飛一兩行，惆悵與君煙景迥。不知何日到
瀟湘。

別杭州

醉與江濤別，江濤惜我遊。他年婚嫁了，終到此
江頭。

姚少監詩集卷第三

寄贈四十七首

寄賈島

漫

一作

向城中住兒童不識錢甕頭寒絕酒竈

額曉

一作

無煙狂發吟如笑愁來坐似禪新詩

有幾首旋被世

一作

人傳

寄王度居士

顛顛王居士顛狂不稱時天公與貧病時輩復

輕欺茅屋隨年借

一作

盤飧逐日移棄嫌官似

夢珍重酒如師無竹栽蘆看思山疊石為靜室

留客話古寺覓僧甚瘦馬寒來死羸童餓得癡
唯應尋阮籍心事遠相知

寄揚茂卿校書

去年別君時同宿黎陽城黃河凍欲合船入冰
罅行君爲使滑州我來西入京丈夫不泣別旁
人歎無情到京就省試落籍先有名慙辱鄉薦
書忽欲自變刑還家豈無路羞爲路人輕決心
住城中百敗望一成腐草衆所弃猶能化爲螢
豈我愚暗身終久不發明所悲道路長親愛難
合并還如舟與車奔走各異程耳目甚短挾背

面若聾盲安得學白日遠見君儀形

寄杜師義

出處難相見同城似異鄉點兵尋戶籍燒藥試
仙方事校千般別心還一種忙黃金如化得相
寄一作分減亦何妨

寄陸渾縣尉李景先

微俸還同請唯君獨自閑地偏無驛路藥賤管
仙山月色生松裏泉聲在石間吟詩復飲酒何
事更相關

寄酬盧侍御

詩新得意恣狂踈揮手終朝力有餘今到詩家
渾手戰欲題名字倩人書

寄主客張郎中

年長方慕道金丹事參差故園歸未得秋風思
難持蹇拙公府棄朴靜高人知以我齊杖屨昏
旭詎相離吟詩紅葉寺對酒黃菊籬所賞未及
畢後遊良有期粲粲華省步屑屑旅客姿未同
山中去固當殊路歧

寄鄆縣尉李廓少府

歲滿休為吏吟詩著白衣
愛山閑臥久在世此

心稀聽鶴向風立捕魚乘月歸
比君才不及謬得侍彤闈

寄紫閣隱者

自聞樵客說無計得相尋
幾世傳高卧全家在一林
養情書覽苦一作養生書最苦採藥路多一作遊深
願得爲隣異隣里誰能說此心

寄國子楊巨源祭酒

日日新詩出城中寫不禁
清高疑一作直對竹閑雅勝
聞琴門戶饒秋景兒童解吟
雲山今作主還借外人尋

寄朱樂長官殷堯藩

故人爲吏隱高卧簿書間
逸院唯栽藥逢僧只說山
此宵歡不接窮歲信空還
何計相尋去巖風雪滿關

冬夜書事寄兩省閣老

天寒漸覺鴈聲疎新月微微玉漏初
海嶠只宜今日去故鄉已過十年餘
髮稀豈易勝玄冕眼暗應難寫諫書
閣下羣公盡高思誰能携酒訪貧居

寄靈一律師

梵書鈔律千餘紙淨院焚香獨受持
童子病來煙火絕清泉漱口過齋時

郡中書事寄默然上人

郡中饒野興過客亦淹留
看月江樓曉尋山石徑秋
意歸何處老誰免此生愁
長安東林子安禪百事休

寄張僎

幽處尋書坐朝朝閉竹扉
山僧封茗寄野客乞詩歸
秋卷多唯好特名屈更肥
明年取前字杯酒賽春輝

寄李頻

閉門常不出惟覺長庭莎
朋友來看少詩書卧
讀多命隨才共薄愁與醉
相和珍重君名字新
登甲乙科

寄李群玉

九衢名與利無計擾閑人
道遠期輕世才高貴
重身石脂稀勝乳玉粉
細於塵骨換肌膚膩心
靈一作虛氣色真嵩山高
到日浴水暖如春居住
應安隱一作慧黃金幾窻新

病中書事寄友人

終日自纏繞此身無道緣
萬愁生兩夜百病湊
衰年多睡憎明屋慵行
待暖天瘡頭梳有虱風
耳亂無蟬換白方多錯
迴金法不全家貧何所
怨將在老僧邊

九日寄錢可復

數盃黃菊酒千里白雲天
一作仙上國名方振戎
州病未痊一作綺陌人消靜愁惟憶醉閑走一作
悶不勝眠惆悵一作應念東門別相逢知一作更幾年

春日早朝寄劉起居

九衢寒霧欽雙闕曙光分
綵仗迎春日香煙接

九日寄錢可復

四

瑞雲珮聲清漏間天語侍臣聞莫笑馮唐老還
來謁聖君

秋日寄李支使

秋思朝來起侵人暑稍微曉眠離北戶午飯尚
生衣山靜雲初白枝高果漸稀聞君家海上莫
與燕同歸

寄汴州令狐楚相公

汴水從今不復渾秋風鼙鼓動城根梁園臺館
關東少相府旌旗天下尊詩好四方誰敢和政
成三郡自無冤幾時詔下歸丹闕還領千官入

閤門

寄東都白賓客

居易

闕下高眠過十旬南宮印綬乞離身詩中得意
應千首海內嫌官只一人賓客分司真是隱山
泉遶宅豈辭貧竹齋晚起多無事唯到龍門寺
裏頻

寄裴起居

千官曉立鑪煙裏立近丹墀是起居彩筆專書
皇帝語書成幾卷太平書

寄狄拾遺時魏州從事

聖和學園藏書
大學圖書
六

少在兵馬間長還繫戎職鷄飛不得遠豈要生
羽翼三年城中遊與君最相識應知我中腸不
苟念衣食主人樹勳名欲滅天下賊愚雖乏智
謀願陳一人力人生須氣健饑凍縛不得睡當
一席寬覺乃千里窄古人不懼死所懼死無益
至交不可合一合難離拆君嘗相勸勉苦語毒
曾臆百年心聞誰限河南北

金州書事寄山中舊友

安康雖好郡刺史是憨翁買酒終朝飲吟詩一
室空自知爲政拙衆亦覺心公親事星河在憂

人骨肉同簿書嵐色裏鼓角水聲中井邑神州
接帆檣海路通野亭晴帶霧竹寺夏多風旣稻
長洲白燒林遠岫紅舊山期已失一作芳草思
何窮林下無相笑男兒五馬雄

寄紫閣無名頭陀自新羅來

峭行得如如誰分聖與愚不眠知夢妄無號免
人呼山海禪一作法皆遍華夷佛豈殊何因接師
話清淨在斯須

寄郁上人

此生修道淺愁見未來身誰爲傳真諦唯應是

聖和學園通辨大學圖書
上人自悲年已長漸覺事難親不向禪門去他
門無了因

寄孫路秀才

幽居隣里少江際復山阿潮去一作蟬聲出天

晴鶴語多老人能步蹇才子柰貧何曾見春官
語年來虛甲科

寄安陸友人

別路在春色故人雲夢中鳥啼三月雨蝶舞百
花風煙東遠山碧霞歆落照紅想君登此興迴
首念飄蓬

寄馬戴

天府鹿鳴客幽山秋未歸我知方甚愛衆說以
爲非隔屋聞泉細和雲見鶴微新詩此處得清
峭比應稀

寄賈島時任普州司倉

長沙事可悲普掾罪誰知千載人空盡一作

家寃不移吟寒應齒落才峭自名垂地遠山重
疊難傳相憶詞

寄揚工部聞毗陵舍弟自菴溪入茶山

採茶溪路好花影半浮沉畫舸僧同上春山客

聖和學園藏
大學圖書
卷之三
共尋芳新生石際幽嫩在山陰色是春光染香
驚日氣侵試嘗應酒醒封進定息深芳貽千里
外怡怡太府吟

寄陝州王司馬

家寄秦城非本心偶然頭上有朝簪自當臺直
無因醉一別詩宗更懶吟世事每將愁見擾年
光唯與老相侵欲知君處堪長久須向山中學
煮金

寄賈島

寂寞荒原下南山
抵隔離家貧唯我並詩好復

誰知草色無窮處蟲聲少盡時朝昏鼓不到閑
臥益相宜

寄崔之仁山人

百門坡上住石屋一作室兩三間日月難教老妻

兒乞與閑仙經揀客問一作仙方藥一作債作一

價煮金還何計能相訪一作引終身得在山

寄嵩嶽程光範

相別何容易相逢便歲年客來嫌路遠誰得到
君邊岳色鳥啼裏鐘聲竹影前只應訪支遁時
得話詩篇

洛下夜會寄賈島

洛下攻詩客相逢祗是吟
夜觴歡稍靜寒屋坐
多深烏府偶為吏滄江長在心懷憶作君難就
寢燭滅復星沉

寄華州李中丞

毛女峯前郡煙霞氣轉清
庭分靈掌影窻度瀑
泉聲蘚逕人稀到松齋藥自生
常食亦芝朮閑
客是公卿看水逢仙鶴登樓見帝城
養生非酒
病難隱是詩名省署嘗連步江臯欲獨耕
偶題
無六義聊以達微誠

病中辱朱諫議惠甘菊藥苗因以詩贈

蕭蕭一畝宮種菊十餘叢
採摘和芳露封題寄
病翁喫宜茶鼎裏冷稱石甌中香潔將何比
從來味不同

舟行書事寄杭州崔員外

張顛任酒澆開眼信花燒
舊國歸何帶新知別
又遙夜行篙觸石晚泊纜依橋
若未重相見無門解寂寥

寄元緒上人

石牕紫蘚墻此世此清涼
研露題詩潔消冰煮

聖和學園短期大學圖書印
茗香閑雲春影薄孤磬夜聲長何計休爲吏從
師老草堂

寄白閣默然

白閣峯頭雪城中望亦寒高僧多默坐清夜到
明看世上無諸苦林間只一滄嘗聞南北教所
得比師難

夏日書事寄丘亢處士

暑天難可度豈復更持觴樹裏鳴蟬咽宮中午
漏長病夫心益躁靜者室應涼幾欲相尋去紅
塵滿路旁

秋中寄崔道士

貧居雀喧噪况乃靜巷陌夜眠睡不成空庭聞
露滴旁有一盃酒歡然如對客月光久逾明照
得筆墨白平生志舒豁難可似茲夕四肢得自
便雖勞不爲役故人山中住善治活身策五穀
口不嘗比僧更閑寂我今暫得安自謂脫幽戚
君身長道遙日月爭老得

寄華州崔中丞

蓮華峯下郡仙洞亦難勝閭里蒼苔水虛空瀑
布冰酒香和藥熟山峭過雲登清淨黎人泰唯

夏急詔徵

秋日書事寄秘書竇少監

秋氣日騷騷
星星雙鬢毛
涼天吟自遠
清夜夢還高
林下期同去
人間共是勞
頭巾何所直
且漉瓮頭糟

姚少監詩集卷第三

姚少監詩集卷第四

寄贈下四十四首

寄送盧拱秘書遊

魏州元和

太行山下路荆棘
昨來平一自開元
後今逢上客行
地形吞北虜
人事接東京
掃灑氛埃靜
遊從氣味生
薊門春不艷
淇水暖還清
看野風情遠
尋緣一作花酒病成
官閑身自在
詩逸語縱橫

一作詩好

車馬迴應晚煙光滿去程

秋晚夜坐寄院中諸曹長

腰間垂印囊
白髮未歸鄉
還往應相責
朝昏亦

自傷窮愁山影峭獨夜漏聲長寐寔難成寐寒
燈侵曉光

書懷寄友人

精心奉北宗微宦在南宮舉世勞為適開門事
不窮四隣寒稍靜九陌夜方空知老何山是思
歸愚谷中

寄無可上人

十二門中寺詩僧寺獨幽多年松色別後夜磬
巖秋見世慮皆盡來生事更修終須執瓶鉢一作
屨相逐入牛頭

寄暉上人

日出月復沒悠悠昏與明脩持經幾劫清淨到
今生林下知無相人間苦是情終期逐師去一作
作禪去不擬老塵纓

寄李干

尋常自恠詩無味雖被人吟不喜聞見說與君
同一格數篇到火却休焚

寄賈島浪仙

悄悄掩門扉窮窘自維繫世途已昧履生計復
乖緝跡我非常性端峭爾孤立往還縱云久貧

聖和學園藏
大學圖書
卷之四
二

蹇豈自習所居率荒野寧似在京邑院落夕彌
空蟲聲鴈相及衣巾半僧施蔬藥常自拾凜凜
寢席單翳翳竈烟濕頽籬里人度敗壁隣燈入
曉思已暫舒暮愁還更集風淒林葉萎苔糝行
徑澁海嶠誓同歸椽粟充朝給

寄九華費拾遺

逍遙曾繳外高鳥與潛魚闕下無朝籍林間有
詔書夜眠青玉洞曉飯白雲蔬四海人空老九
華君獨居此心誰復識日與世情疎

寄不疑上人

是法修行遍方棲不二門隨緣嫌寺着見性覺
經繁所歎身將老始聞師一言塵沙千萬劫劫
盡佛長存

寄主客劉郎中

漢朝共許賈生賢遷謫還應是宿緣仰德多時
方會面拜兄何暇更論年嵩山晴色來城裏洛
水寒光出岸邊清景早朝吟嚴思題詩應費益
州錢

寄周十七起居

皦皦九陌鼓聲齊百辟朝天馬亂嘶月照濃霜

寒更遠風吹紅燭舉還低官清立在金鑪北伏
下歸眠玉殿西莫笑老人多獨出晴山荒景覓
詩題

秋夜寄默然上人

霜月靜幽君閑吟夢覺初秋深夜迢遞年長意
蕭疎海上歸難遂人間事盡虛賴師方便語漸
得識真如

寄王玄伯

夜歸曉出湍衣塵轉覺才名帶累身莫覓舊來
時一作終日醉世間盃酒屬閑人

寄山中友人

昨秋今復春役役是非身海上無歸路城中作
老人流年何處在白日每朝新聞有長生術將
求未有因

寄陝府內兄郭冏端公

蹇鈍無大計酷嗜進士名為文性不高三年住
西京相府執文柄念其心專精薄藝不取辱特
列為門生事出非自意喜常少於鶻春榜四散
飛數日徧八紘眼始見花發耳得聞鳥鳴免同
去年春兀兀聾與盲家寄河朔間道路出陝城

睽遠逾十年一會豁素誠同游山水窮狂飲飛
大觥起坐不相離有若親弟兄中外無親疎所
筭在其情久客貴優饒一醉舊疾平家遠歸思
切風雨甚亦行到茲戀仁賢淹滯一月程新詩
忽見示氣逸言縱橫纏絲意千里騷雅文發明
未晝吟不休咽喉乾無聲羈貧重金玉今日金
玉輕

寄蔡州蔣亭蕪簡田使君

幾歲亂軍裏蔣亭名不銷無人知舊徑有藥長
新苗樹宿山禽靜池通野水送何因同此醉永

望思蕭條

山居寄交生

獨在山阿裏朝朝遂性情曉泉和雨落秋草上
墻生因客始沽酒借書方到城詩情聊自遣不
是趁聲名

寄崔之仁山人

不得之仁消息久秋來體色復何如苦將

一作痛持

盃酒判身病狂作文章信手書官職卑微從客

笑性靈閑野

一作雅

向錢疎幾時月

一作家

計渾無

事揀取深山一處居

寄主客劉貞外禹錫

蟬稀蟲唧唧露重思悠悠靜者多便夜豪家不見秋同歸方欲就一作遂微恙幾時瘳今日滄江上何人理釣舟

山中寄友人

路歧何渺邈在客易蹉跎却是去家遠因循住日多幾看春草綠又見塞鴻過未有進身處忍教拋薜蘿

寄友人

日暮掩重扉抽簪復解衣漏聲林下靜螢色月

中微秋霽露華結夜深人語稀慙慙故山路誰與我同歸

寄李餘卧疾

窮節彌慘慄我詎自云樂伊人嬰疾恙所對唯苦藥寐寔行稍稀清羸食自薄幽齋外浮事夢寐亦簡略雲戶掩復明風簾卷還落方持數盃酒勉子同斟酌

寄白石師

師無名常居白石谷中因為號

白石師何在師禪白石中無情雲可比不食鳥難同履下蒼苔龕前瀑布風相尋未有計只

是禮虛空

寄賈島

踈拙祇如此此身誰與同
高情向酒上無事在山中
漸老病難理久貧吟益空
賴君時訪宿不避北齋風

寄默然上人

晨飡夜復眠日與月相連
天下誰無病人間樂是禪
幾生通佛性一室但香煙
結得無為社還應有宿緣

寄不出院僧

不行門外地齋戒得清真
長食施來飯深居鍊定身
朝昏常傍佛起坐省逢人
非獨心長淨衣無一點塵

萬年縣中雨夜會宿寄皇甫旬

縣齋還寂寞夕雨洗蒼苔
清氣燈微潤寒聲竹共來
蟲移上階返客一作起到門迴
想得吟詩處唯應一作應對酒杯

寄舊山隱者

別君須臾間曆日兩度新
念彼白日長復值人事并
未改當時居心事如野雲
朝朝恣行坐百

事都不聞柰何道未盡出山最艱辛奔走衢路
間四枝俗作肢不屬身名在進士場筆毫爭等倫
我性本朴直詞理野一作安得文縱然自稱心又
不合衆人以此名字低不如風中塵昨逢賣藥
客云是居山鄰說君憶我心顛顛其形神昔是
同枝鳥今作萬里分萬里亦未進喧靜終難羣

所居秋夕寄李廓

羈滯多共趣屢屢同空眠稍暇更訪詣寧唯候
招延媿君備蔬藥識我性所便罷吏童僕去灑
掃或自專古巷人易息踈迫自江邊幸當中秋

夕復此無雲天月華更漏清露葉光彩鮮四鄰
亦悄悄中懷益纏綿茲境罕能致居閑得彌偏
數盃罷復飲共想山中年

贈盧大夫將軍

將軍身在城詎得虜塵清釀酒邀閑客吟詩直
禁營蒼鷹春不下戰馬夜空鳴碣石應無業皇
州獨有名上山嫌骹重拔劍歎衣生公議今如
此登壇到即行

贈供奉僧次融

會解如來意僧家獨有君開經對天子騎馬過

聲聞本寺遠於日新詩高似雲熱時吟一句涼
冷勝秋分

贈王尊師

先生自說瀛洲路多在青松白石間海岸夜中
常見日仙宮深處却無山犬隨鶴去遊諸洞龍
作人來問大還今日偶聞塵外事朝簪未擲復
何顏

贈常州院僧

一住毗陵寺師應祇信緣院貧人施食憲靜鳥
窺禪古磬聲難盡秋燈色更鮮仍聞開講日湖

上少魚船

贈盧沙彌小師

怕見世間事削頭披佛衣年小未受戒會解如
老師天與出家腸一食齋不飢麻履踏雪路與
馬不肯騎嫌我身腥羶似我見戎夷彼此見會
異對面成別離我師文宣王立教垂詩書但全
仁義心自然便慈悲兩教大體同無處辨一作
是非莫以衣服別到頭不相知

贈張籍太祝

妙絕江南曲淒涼愍女詩古風無手敵新語是

人知飛動應

終一作

由格功夫過却奇麟臺

儒書一作

添集卷樂府換歌詞李白應先拜

一作許

劉禎一作

即必自疑貧須君子救病合國家醫野客開山

借隣僧與米炊甘貧辭聘幣依選受官資多見

愁連曉稀聞債盡時聖朝文物盛大祝獨低眉

贈丘郎中

繞籬栽杏種黃精曉侍鑪烟暮出城萬事將身

求揔易學君難得是長生

贈王建司馬

久向空門隱交親亦不知文高輕古意官冷似

前資老覺僧齋健貧還酒債遲仙方小字寫行

坐把相隨

贈任士曹

憲皇十一祀共得春闈書道直淹曹掾命通侍

玉除浮生年月促九陌笑言踈何計同歸去滄

江有弊廬

贈劉义

自君離海上垂釣更何人獨宿空堂雨閑行九

陌塵避時曾变

一作改

姓救難似嫌身何處相期

宿咸陽酒市春

贈僧紹明

西方清淨路此路出何門見說師知處從來佛
不言今生多病惱自晚至黃昏唯寐方無事那
堪夢亦喧

贈張質山人

先生居處僻荆棘與墻齊酒好寧論價詩狂不
著題燒成度世藥踏盡上山梯懶聽閑人語一作
疑道人爭如谷鳥啼

贈少室山麻禰僧

祇辦麻為衲此中經幾春庵前多猛獸徑小絕

行人泉近漬

一作

瓶履山深少垢塵想師正法

指喻我獨迷津

贈王山人

賢哲論猶誕吾宗次定今詩吟天地廣覺印果
因深教演歸恭敬名標中外欽既能施六度了
悟達雙林

贈終南山傅山人

七十未成事終南蒼髻翁老來詩興苦負去酒
腸空蟠螫身仍病鵬搏力未通已無燒藥本唯
有著書功白馬時何晚老君度青龍歲欲終星

之義彊次生涯枯葉下家口亂雲中潭靜魚驚水天
晴鶴唳風悲君還姓傳獨不夢高宗

姚少監詩集卷第四

姚少監詩集卷第五

閑適上五十一首

閑居遣懷一十首

身外無徭役開門百事閑倚松聽唳鶴策杖望
秋山萍任蓮池綠苔從匝地班料無車馬客何
必掃柴關

其二

閑卧銷長日親朋笑我踈詩篇隨分有人事度
年無情性僻難改愁懷酒爲除誰能思此計空
備滿床書

其三

白日逍遙過看山復遶池展書尋古事翻卷改
新詩賒酒風前酌留僧竹裏茶同人笑相問羨
我足閑時

其四

好景時牽目茅齋興有餘遠山經雨後庭樹得
秋初道侶憐栽藥高人笑養魚優游隨本性甘
被棄慵疎

其五

永日厨煙絕何曾暫廢吟閑詩隨思緝小酒恣

情斟看月嫌松密垂綸愛水深世間多少事無
事可關心

其六

一生能幾日愁恨也無端遇酒酩酊飲逢花爛
熳看青雲非失路白髮未相干以此多携解將
心但自寬

其七

萬事徒紛擾難關枕上身朗吟銷白日沉醉度
青春演步憐山近閑眠厭客頻市朝曾不到長
免滿衣塵

其八

野性多踈惰幽棲更稱情
獨行看影笑閑坐弄琴聲
懶拜腰肢硬慵趨禮樂生
業文隨日遣不是為求名

其九

生計甘寥落高名愧自由
慣無身外事不信世間愁
好酒盈盃酌閑詩任筆酬
涼風從入戶雲水更宜秋

其十

拙直難和洽從人笑掩關
不能行戶外寧解走塵間
被酒長酣思無愁可上顏
何言歸去事着處是青山

武功縣中作三十首

縣去帝城遠為官與隱齊
馬隨山鹿放鷄雜野禽棲
逸舍惟藤架侵堦是藥畦
更師嵇叔夜不擬作書題

其二

方拙天然性為官是事踈
唯尋向山路不寄入城書
因病多一作方收藥緣浪學釣魚
養身成好事此外更一作空虛

其三

微官如馬足，祇是在泥塵。
到處貧隨我，終年老
趁人簿。書銷眼力，盃酒耗心神。
早作歸休計，深居養一作過此身。

其四

簿書多不會，薄俸亦難消。
醉卧慵開眼，閑行懶繫腰。
移花兼蝶至，買石得雲饒。
且自心中樂，從他笑寂寥。

其五

曉鐘驚睡覺事

一作是

事便相關小市柴薪貴貧

家砧杵閑讀書多，旋忘賒酒數空還。
長羨劉伶輩，高眠出世間。

其六

性疎常愛卧，親故笑悠悠。
縱出多携枕，因衙始裹頭。
上山方覺老，過寺暫忘愁。
三考千餘日，低腰不擬休。

其七

客至皆相笑，詩書滿卧床。
愛閑求病假，因醉弃官方。
髣髴寒唯短衣衫，瘦漸長自嫌。
多檢束不似舊來狂。

其八

一日看除目終年損道心山宜衝雲上詩好帶
風吟野客嫌知印家人笑買琴只應隨分過已

一作定是錯彌深

其九

鄰里皆相愛門開數見過秋涼送客遠夜靜誅
詩多就架題書目尋欄記藥窠到官無別事種
得滿庭莎

其十

窮達天應與人間事莫論微官從似客遠縣豈

勝村竟日多無食連宵不閉門齋心調筆硯唯
寫五千言

其十一

縣僻仍牢落遊人到便迴路當遠地去村入郭
門來酒戶愁偏長詩情病不開可曾衙小吏恐
謂踏青苔

其十二

自下青山路三年著綠衣官卑食肉僭才短事
人非野客教長醉高僧勸却歸不知何計是免
與本心違

其十三

日出方能起庭前看種莎吏來山鳥散酒爨野
人過岐路荒城少煙霞遠縣多同官數相引下
馬上西坡

其十四

作吏荒城裏窮愁欲不勝病多唯識藥年老漸
親僧夢覺空堂月詩成湍硯冰故人多得路寂
寞不相稱

其十五

誰念東山客栖守印床何年得事盡終日逐

人忙醉卧唯知叫閑書不着行人間長檢束與
此豈相當

其十六

朝朝眉不展多病怕逢迎引水遠通澗壘山高
過城秋燈照樹色寒雨落池聲好是吟詩夜披
衣坐到明

其十七

簿籍誰能問風寒趁早眠每旬常乞假隔月探

支錢

一作請
官錢

還往嫌詩僻親情恠酒顛謀身須

上計終久是歸田

其十八

閉門風雨裏落葉與堦齊野客嫌盃小山翁喜
枕低聽琴知道性尋藥得詩題誰更觥騎馬閑
行抵杖藜

其十九

腥羶都不食稍稍覺神清夜犬因風吠隣鷄帶
雨鳴守官常卧病學道別稱名小有洞中路誰
能引我行

其二十

宦名渾不計酒熟且開封晴月消燈色寒天挫

筆鋒驚禽時並起閑客數相逢舊國蕭條思青
山隔幾重

其二十一

假日多無事誰知我獨忙移山入縣宅種竹上
城墻驚蝶遺花蘂遊蜂帶蜜香唯愁明早出端
坐吏人旁

其二十二

門外青山路因循自不歸養生宜縣僻說品喜
官微淨愛山僧飯閑披野客衣唯幽谷鳥不
解入城飛

其二十三

一官無限日愁悶欲何如掃舍驚巢燕尋方落
壁魚從僧乞淨水憑客報閑書白髮誰能鑷年
來四十餘

其二十四

朝朝門不閉長似在山時賓旅抽書讀兒童斫
竹騎久貧還易老多病懶能醫道友應相恠休
官日已遲

其二十五

戚戚常無思循資格上官閑人得事晚常骨覓

一作學仙難愁卧疑身病貧居覺道寬新詩久不
寫自筭少人省

其二十六

漫作容身計今知拙有餘青衫迎驛使白髮憶
山居道友憐蔬食吏人嫌草書須為長久事歸

去自耕鋤

憐一作喜

其二十七

主印三年坐山家百事休焚香開勅庫踏月上
城樓飲酒多成一作如病吟詩易長愁慙慙問漁
者暫借手中鈎

其二十八

長憶青山下深居遂性情壘堦溪石淨燒竹竈
煙輕點筆圖雲勢彈琴學鳥聲一作鳴今朝知縣
印夢裏百愛生

其二十九

自知狂僻性吏事固相疎祇是看山立無因出
縣君印未沾墨硯戶籍雜經書月俸尋常請無
妨乏斗儲一作無嫌

其三十

作吏無能事為文舊致功詩標八病外心落百

憂中拜別登朝客歸依鍊藥翁不知還往內誰
與此心同

羅武功縣將入城二首

乍拋衫笏覺身輕依舊還稱學道名欲泥山僧
分一作求屋住羞從野老借牛耕妻兒盡怕為逋
客親故相邀遣到城無奈同官珍重意幾迴臨
路却休行

其二

青衫脫下便狂歌種薤一作李栽莎一作桃斲古坡
野客相逢添酒病春山暫上著詩魔亦知官罷

貧還甚且喜閑來睡得多欲與九衢親故別明
朝拄杖始經過

秋日閑居二首

九陌宅重重何門憐此翁荒庭唯菊茂幽徑與
山通落葉帶衣上閑雲來酒中此心誰得見林
下鹿應同

其二

先憶花時節家山聽更歸愛詩看古集憶酒典
寒衣睡少身還健愁多食不肥自憐踈懶性無
事出門稀

閑居晚夏

閑居無事擾舊病亦多痊選字詩中老看山屋
外眠片霞侵落日繁葉咽鳴蟬對此心還樂誰
知乏酒錢

閑居

不自識踈鄙終年住在城過門無馬跡蒲宅是
蟬聲帶病吟雖苦休官夢已清何當學禪觀依
止古先生

街西居三首

受得山野性住城多事遠青山在宅南回首東

西稀淺淺一井泉數家同汲之獨我惡水濁鑿
井庭之陲自鑿還自飲亦爲衆所非吁嗟世間
事潔身誠難爲

其二

日出窮巷喜溫然勝重衣重衣豈不暖所暖人
不齊兀兀復行行不離階與墀

其三

丈夫非馬蹄安得知路歧窮賤飡茹薄興與養
性宜乃知長生術豪貴難得之

閑居遣興

終年城裏住門戶似山林客恠身名晚妻嫌酒
病深寫方多識藥失譖廢彈琴文字非經濟空
虛用破心

姚少監詩集卷第五



号	3113	樂
SE 11 8	3 11 3	取平
		半味望
		大鼓圖
		鼓書圖

